



Broj: 0101-8862-5/17
Sarajevo, 27. 07. 2018. godine

Na osnovu člana 69. stav (2) tačka d) i člana 70. Stav (4) Zakona o javnim nabavkama BiH („Službeni glasnik BiH“, broj: 39/14) i člana 59. Statuta Univerziteta u Sarajevu, nakon provedenog otvorenog postupka za javnu nabavku usluge-Razvoj softvera za podršku rada registra “ba” domena, na preporuku Komisije za javnu nabavku broj: 0101-8862-4/17 od 09. 07. 2018. godine, rektor Univerziteta u Sarajevu donosi sljedeću

ODLUKU
o poništenju postupka javne nabavke usluge-Razvoj softvera za podršku rada registra
“ba” domena

Član 1.

Prihvata se preporuka Komisije za javnu nabavku broj: 01010-8862-4/17 od 09. 07. 2018. godine. godine i postupak javne nabavke usluge-Razvoj softvera za podršku rada registra “ba” domena SE PONIŠTAVA, iz razloga jer nije dostavljena niti jedna prihvatljiva ponuda.

Član 2.

Ova Odluka će se objaviti na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 0101-8862-1/17 od 28. 12. 2017. godine, Univerzitet u Sarajevu je pokrenuo otvoreni postupak za javnu nabavku usluge-Razvoj softvera za podršku rada registra “ba” domena.

Za provođenje postupka predmetne javne nabavke, Odlukom broj: 0101-8862-2/17 od 29. 12. 2017. godine, imenovana je Komisija za javnu nabavku u sastavu: predsjedavajući Sanel Sefer, te članovi Bojan Crnogorac i Aida Radielović. Za zamjenske članove imenovani su: Elma Dervišević, Elmedin Selmanović i Jasmina Bajramović.

Obavještenje o nabavci broj: 999-1-2-47-3-22/18 objavljeno na Portalu javnih nabavki dana 16. 04. 2018. godine.

Istog dana na portal javnih nabavki objavljena je i Tenderska dokumentacija broj: 0101-8862-3/17.

Iz Izvještaja o preuzimanju tenderske dokumentacije od strane ponuđača, preuzetog sa Portala javnih nabavki dana 17. 05. 2018. godine u 6:48 sati, vidljivo je da su, u periodu koji je ostavljen za dostavljanje ponuda, sa Portala javnih nabavki Tendersku dokumentaciju preuzeli sljedeći potencijalni ponuđači:

R. br.	Naziv i ID ponuđača		Datum i vrijeme preuzimanja
1.	Ekapija doo	4950134590001	16.4.2018. 10:38:28
2.	BBS Europe	4403188520008	16.4.2018. 12:25:33
3.	IN2 d.o.o.	68195665956	16.4.2018. 13:28:03
4.	PAGE d.o.o.	4403817080008	16.4.2018. 14:11:49

5.	PING D.O.O.	4200070010007	16.4.2018. 15:35:34
6.	ATIA doo Sarajevo	4202149370001	16.4.2018. 22:07:42
7.	IMTEC D.O.O. SARAJEVO	4200918780002	17.4.2018. 9:00:19
8.	COMP-IT	4201114700002	17.4.2018. 9:10:37
9.	LANACO DOO	4400853190007	17.4.2018. 10:01:46
10.	QSS D.O.O.	4200103980007	17.4.2018. 17:17:16
11.	ESTA	4236022960006	18.4.2018. 7:58:38
12.	Gransy s.r.o.	CZ28087755	19.4.2018.10:21:12
13.	A-NET D.O.O. ZENICA	4218562660003	27.4.2018. 16:48:52
14.	SYNERGY SOFT d.o.o.	4219000870001	28.4.2018. 17:49:19

Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki dana 17. 05. 2018. godine u 6:47 sati, vidljivo je da je od strane potencijalnog ponuđača Gransy s.r.o. dana 26. 04. 2018. godine u 10:51 sati postavljeno sljedeće pitanje:

„1. S obzirom na činjenicu postojanja internacionalnog praznika tokom ovog roka (1. maj), što skraćuje predloženi, i ovako kratak rok, firma Gransy, kao zainteresovana firma, Vas moli da razmotrite produženje važenja ovog tendera na još deset (10) dana do 17. maja.

2. S obzirom da smo inostrana firma, regulisana zakonodavstvom koje važi u Češkoj, mi smo firma koja ne upotrebljava pečat i potpisuje dokumente elektronskim potpisom. Kako smo svesni da je Zakon o elektronskom potpisu važeći u BiH, molimo da nam odgovorite na sledeća pitanja:

A) Da li možemo da potpisujemo dokumente elektronski i da šaljemo elektronskim putem?

B) Mi imamo pečat koji je napravljen u svrhe poslovanja u drugim zemljama. Da li je pečat (u prilogu ovog dokumenta) zadovoljavajući za vas?“

Ugovorni organ je dana 27. 04. 2018. godine u 11:02 sati dao sljedeći odgovor na postavljena pitanja:

„1. Rok za dostavu ponuda produžava se do četvrtka, 17. 05. 2018. godine do 10,00 sati. Otvaranje ponuda: četvrtak, 17. 05. 2018. godine u 10,15 sati.

2. A)Tenderskom dokumentacijom Ugovornog organa utvrđen je način pripreme i dostave ponude.

B) Tenderskom dokumentacijom Ugovornog organa je uređena obaveza ovjere potpisa ovlaštene osobe, kao i pripadajućih izjava, pečatom ponuđača.“

Drugi pitanja i zahtjeva za pojašnjenje tenderske dokumentacije od potencijalnih ponuđača nije bilo.

Na tendersku dokumentaciju nije bilo žalbe od strane potencijalnih ponuđača.

Iz Zapisnika Komisije je vidljivo da je dana 17. 05. 2018. godine u 10,15 sati održano javno otvaranje blagovremeno dostavljene ponude sljedećeg ponuđača:

R. br.	Naziv i sjedište ponuđača	Broj prijemnog protokola	Datum i vrijeme prijema ponude
1.	USLUGE RAZVOJA SOFTVERA ZA PODRŠKU RADA REGISTRA „,ba“ DOMENA Gransy s.r.o, Prag, Češka Republika, Borivojova 838/35	0105-3093/17	17.05.2018. u 08:40

Na javnom otvaranju ponuda je bio predstavnik ponuđača Gransy s.r.o. Prag, Dušan Stojičević, direktor Filijale Beograd.

Zapisnik o otvaranju ponuda je isti dan preuzeo predstavnik ponuđača Gransy s.r.o. Prag.

Iz Zapisnika Komisije je vidljivo da Komisija za javnu nabavku nije imala nejasnoća u ponudama ponuđača, niti je bilo grešaka u dostavljenim ponudama.

Iz Zapisnika Komisije za javnu nabavku je vidljivo da je Komisija započela 17. 05. 2018. godine sa pregledom i ocjenom ponude, odnosno da bi utvrdila da li je ponuđač ispunio uslove iz člana 45. do 50. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije, te da li je kvalifikovan za nabavku predmetne usluge.

Iz Zapisnika Komisije je vidljivo da je Komisija pregledom ponude ponuđača Gransy s.r.o. Prag, ČR, utvrdila da isti nije dostavio dokaze tražene tačkom 13. Tenderske dokumentacije, a u skladu sa tačkom 15. Tenderske dokumentacije, kojom je utvrđeno da ponuda, svi dokumenti i korespodencija u vezi sa ponudom između ponuđača i Ugovornog organa moraju biti napisani na jednom od službenih jezika u BiH na latiničnom ili ćiriličnom pismu, a da dio propratne dokumentacije (štampana literatura, brošure, katalogi i sl.) koju dostavlja ponuđač može biti na engleskom jeziku i ne moraju biti prevedeni, zbog čega je Komisija ponudu tog ponuđača ocijenila kao neprihvatljivu.

Komisija za javnu nabavku dala je preporuku rektoru Univerziteta u Sarajevu da za nabavku usluge-Usluge razvoja softvera za podršku rada registra „ba.“ domena, donese odluku o poništenju postupka, a u skladu sa članom 69. stav (2) tačka d) ZJN, jer nije zaprimljena niti jedna prihvatljiva ponuda.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

REKTOR

Prof. dr. Rifat Škrijelj



Dostaviti:

- Gransy s.r.o Prag
- Prorektor za finansije
- Služba za računovodstvo i finansije
- Generalni sekretar
- Služba za javne nabavke
- web stranica UNSA
- a/a

Prilog: Zapisnik o pregledu i ocjeni ponuda